

Na osnovu člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 1. marta 2004. godine donosi

## RJEŠENJE

### O PONIŠTAVANJU RJEŠENJA O IZBORU DELEGATA U GRADSKO VIJEĆE GRADA SARAJEVA

#### I

Poništava se Rješenje broj 02-49-28/03 od 29. januara 2003. godine ("Službene novine Kantona Sarajevo", broj 2/03) kojim je HAMZA DUVNJAK, vijećnik Općinskog vijeća Stari grad Sarajevo izabran za delegata u Gradsko vijeće Grada Sarajeva.

#### II

Ovo rješenje objaviti u "Službenim novinama Kantona Sarajevo".

Broj 02-49-105/04  
1. marta 2004. godine  
Sarajevo

Predsjedavajući Općinskog  
vijeća Stari grad Sarajevo  
dr. **Ismet Ovcina**, s. r.

Na osnovu čl. 9. i 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00) i čl. 10. i 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 1. marta 2004. godine, donijelo je

## ODLUKU

### O IZMJENAMA ODLUKE O JEDNOKRATNOJ NOVČANOJ POMOĆI DEMOBILISANIM BORCIMA KOJA SE FINANSIRA IZ BUDŽETA OPĆINE STARI GRAD SARAJEVO

#### Član 1.

U Odluci o jednokratnoj novčanoj pomoći demobilisanim borcima koja se finansira iz Budžeta Općine Stari grad Sarajevo ("Službene novine Kantona Sarajevo", broj 6/02) u članu 4. alineja prva mijenja se i glasi:

"Visinu jednokratne novčane pomoći utvrđuje Općinsko vijeće Stari grad Sarajevo, prilikom usvajanja Budžeta za tekuću godinu."

#### Član 2.

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-61/04  
1. marta 2004. godine  
Sarajevo

Predsjedavajući Općinskog  
vijeća Stari grad Sarajevo  
dr. **Ismet Ovcina**, s. r.

Na osnovu čl. 87., 88., 89. i 90. Zakona o građevinskom zemljištu Federacije Bosne i Hercegovine ("Službene novine Federacije BiH", broj 25/03) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 1. marta 2004. godine, donijelo je

## ODLUKU

### O PRISTUPANJU POSTUPKU REVIZIJE DODIJELJENOG GRAĐEVINSKOG ZEMLJIŠTA IZMEĐU 06.APRILA 1992. GODINE I 16. MAJA 2003. GODINE

#### Član 1.

Općina Stari grad Sarajevo će sukladno Zakonu o građevinskom zemljištu pristupiti postupku revizije dodjela građevinskog zemljišta izvršenog između 6. aprila 1992. godine i 16. maja 2003. godine.

#### Član 2.

Dodjele građevinskog zemljišta izvršene nakon 06. aprila 1992. godine u skladu sa Odlukom Visokog predstavnika kojom se zabranjuje promet zemljišta u državnoj svojini-izuzeće, a koju je odobrio OHR, neće biti predmet revizije.

#### Član 3.

Služba za imovinsko-pravne, geodetske poslove i katastar provodi postupak revizije, a o istom odlučuje Općinsko vijeće. Postupak revizije pokreće se po zahtjevu stranke.

#### Član 4.

Na zemljištu koje može biti predmet revizije Služba za urbanizam, stambene i komunalne poslove obustavit će sve postupke u vezi sa izdavanjem urbanističke i građevne dozvole do isteka roka za reviziju utvrđenog članom 5. ove odluke.

#### Član 5.

Zahtjevi za reviziju mogu se podnositi u roku od dvije godine od dana stupanja na snagu Zakona o građevinskom zemljištu, odnosno do 16.05.2005.godine.

#### Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-59/04  
1. marta 2004. godine  
Sarajevo

Predsjedavajući Općinskog  
vijeća Stari grad Sarajevo  
dr. **Ismet Ovcina**, s. r.